



UNIVERSITÄTS-
BIBLIOTHEK
PADERBORN

Praxis Meditationum S.P. Ignatii Loyolae

Diertins, Joseph

Solisbaci, 1708

Med. 81. De cœna apud Bethaniam. Myst. punct. 1.

[urn:nbn:de:hbz:466:1-60232](#)

VOL. Memores semper simus illorum verborum
ab illo Rege nostro nobis dictorum. Matth. 10.
vestri autem capilli capit is omnes numerati sunt.
Quapropter totos nos ipsi committamus. *En o!*
Rex supreme ac Domine universorum, etiam vitæ
& mortis, me tibi penitus offero, meaque omnia
tua sub jicio voluntati. &c.

COLLOQ. De tribus hominum classibus.

RECOLLECTIO.

MEDITATIO LXXXI.

De Cœna apud Bethaniam. Matth. 26.

Myst punct. i.

ONG. Delibare instantem meditationem, more
solito.

PRÆL. I. Quomodo Christus cum Lazaro resu-
scitato cœnaverit in domo Simonis leprosi.

PRÆL. II. Imaginari sibi locum Convivii.

PRÆL. III. Petere gratiam, diligendi Christum,
cogitatione, verbo & opere.

PUNCTUM I. PERSONÆ. MEM. Aspiciamus Laz-
rum resuscitatum, forores ejus, Simonem Le-
prosum; cæterosque Bethanienses, quomodo ex-
ceperint Jesum reducem in Bethaniam *ante sex*
dies Paschæ. Joan. 12.

INTEL. Contemplemur in eis interiorem devo-
tionem erga Christum; eorum fidem, spem, cha-
ritatem, reverentiam, cœterasque virtutes; con-

junctas

junctas cum gratissimâ memoriâ tanti miraculi.
REFL. Nos quoque decet cum memoriâ ejusdem,
plurimumque secutorum miraculorum, similes er-
ga Christum virtutes, & affectus in nobis sentire.

VOL. Prostrati antè Venerabilem Eucharistiam,
eructemus ex corde verba hæc: *memor ero ab ini-
tio mirabilium tuorum. & : Tu es Deus, qui faci
mirabilia.* Ps. 76.

PUNCTUM II. VERBA. MEM. Audire sermones,
qui tunc in Bethaniâ passim celerabantur.

INTEL. Non tantùm interiori affectu; sed
verbis etiam Christum ejusque miracula depræ-
dicabant, & narrabant etiam alibi. REFL. Sic nos
quoque præcones debemus esse beneficiorum, &
magnalium Dei.

VOL. *Confitebor tibi Domine in toto cordemeo:
narrabo omnia mirabilia tua.* Ps. 9. *Pronunciabo
mirabilia tua.* Ps. 70. *Narrabo nomen tuum Fra-
atribus meis, in medio Ecclesiæ laudabo te.* Ps. 21.

PUNCTUM III. OPERA. MEM. Christus erat in
Bethaniâ in domo Simonis Leprofi. Matth. 26.
fecerunt autem ei cœnam ibi, & Martha mi-
nistrabat: Lazarus verò unus erat ex discumen-
tibus cum eo. Joan. 12.

INTEL. Sic illi Christum diligebant non solum
verbo, neque lingua, sed opere, & veritate. I.
Joan. 3 R. FL. Nos verò cogitatione & verbodi-
ligimus, sed manemus in primâ, & secundâ homi-
num classe, & similes illi, qui media, debitaque
adminicula toto vita tempore non admovet.

VOL.

VOL. Non tantum corde; sed opere ipso offeramus Christo, domum nostram, divitias, honorem, sanitatem, vitam: paremus sic ipsi cœnam, & sic cum ipso epulemur, non in fermento veteri, neque in fermento malitia; sed in azymis sinceritatis & veritatis. I. Cor. 5.

COLLOQ. Prout notantur post tres hominum classes.

RECOLLECTIO. REPETITIO. APPLICATIO SENSUUM.

MEDITATIO LXXXII.

De Cœna apud Bethaniam. Matth. 26.

Myst. punct. 2.

CONG. Eadem.

PRÆL. I. Effudit Maria unguentum super caput ejus, ubi Christus cœnabat.

PRÆL. II. Videre locum cœnæ.

PRÆL. III. Petere inflatum desiderium adhærescendi Christo tanto propensius; quanto incredibiliorem ejus in nos amorem conspicimus.

PUNCTUM. I. PERSONÆ. MEM. Videamus acumbentem in domo Simonis Leproxi. Lazarus vero unus erat ex discubentibus Joan 12 & Martha ministrabat. ibid. Maria vero parabat unguentum.

INTEL. Consideremus Lazarum animo & oculis

Q 2

fixum